



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Epistolae Ivlii Papae I.

urn:nbn:de:hbz:466:1-15072

ex oriente episcoporum vindicta, Constatinus imperator occidentis imperium tenebat, non video qua ratione, hoc defensore adhuc superstite, Iulius pontifex relegari potuerit. Post occisum Constantem imperatorem, Magnentius tyrannus cum Urbe toto occidentali imperio potiebatur: vel igitur auctore Magnentio Iulium relegatum fuisset oportuit, quod nemo haec tenus scripsisse legitur; vel concedendum est, cumdem Constantii imperio nequaquam ab Urbe extractum, in regiones exteriores amandatum fuisset. Vide Baron. anno 352. num. 2. &c.

EPISTOLÆ IVLII PAPÆ. I.

DE scriptis & epistolis Iulii Gennadius de scriptoribus ecclesiæ cap. 2. hæc ait: *Iulus urbis Romæ episcopus scripsit ad Dionysium quemdam de incarnatione Domini epistolam unam, que illo quidem tempore utilis visa est aduersus eos qui ita duas per incarnationem asserebant in Christo personas, sicut & naturas. Nunc autem pernicioса probatur: fomentum enim est Eutychiana & Timotheana impietas.* Ita Gennadius, qui epistolam illam Apollinaris, Iulio pontifici falso & malitiose adscriptam, non tam legisse quam nomine faltem audiuisse conuincitur, ex eo quod eam aduersus Nestorianos impugnando maxime vtilem esse scribat, quæ vere eorumdem de duabus in Christo personis errorem ex proposito confirmat. Accuratus igitur eam perspectam habuerunt Euagrius & Leontius, quo- Apollinarum ille lib. 3. cap. 31. de Nestorianis hæreticis agens, hæc scribit: *Sanctorum patrum libros sepe depravauerunt, multosque Apollinaris libros, Athanasio, Gregorio Thaumaturgo & Iulio, inscriptionibus commutatis, attribuerunt, quibus quidem libris plurimos in suum impium errorem in- duxerunt.*

De eadem epistola accuratus & prolixius hæc Leontius in com- mentario de sc̄tis act. 8. tom. 10. biblioth. sanctæ. Afferunt, inquit, aliquid quoque dictum velut a B. Julio profectum, quod extat in epistola scripta ad Dionysium Corinthi episcopum, cuius initium est: *Miror de quibusdam audiens, &c. estque dictum huiusmodi: Necesse est eos, cum duas naturas dicunt, unam adorare, alteram non adorare: ac in diuinam quidem baptizari, at in humanam non baptizari.* Aliaque plura istud ac epistola continet. Sed nos pluribus argumentis conuincimus, illam epistolam non esse beati illius Iulii, sed Apollinaris. Primum ex eo, quod si quis eam subtiliter consideret, nihil Juliani dignum nomine habeat. Quin et septem illæ epistole quas eius esse dicunt, Apollinaris sunt. Deinde quod in eadem epistola corporis mentione facta nusquam id mente præditum vel animatum dixerit: Erat autem in more patribus illius seculi, quia A- pollinaris Arium fecutus, ut ex 6. aet. Concilii secundi Nicæni con- stat, corpus Christi anima caruisse, & Verbum illi loco mentis fu- se docebat: ideo, inquam, patribus illius seculi in more erat, ut sic ubi corporis mentionem facerent, idipsum mente præditum, animatum appellarint.

Aaaa iii

que dicerent ; quod quidem usque adeo verum est , ut reformidianis eis hoc crimen , ideoque , deinceps illas voces Mente preditum & animatum , adiicientibus , nulli posteriorum libri reperiantur , qui hanc veterem appendicem non habeant . Præterea de hoc quoque non beati Iulii , sed Apollinaris esse redarguitur , quod Nyssenus ille Gregorius in opere contra Apollinarem aperte multa recitat , qua hac epistola continentur , eaque ceu prava refutet . Potest & aliunde conuinci , quod B. Iulii non sit . Aiunt enim actis Synodi Ephesinae sub B. Cyrillo insertam ; quod quidem aperte mentiuntur : nam nihil ibi in textu tale reperitur , sed alia quedam inserta est epistola velut a Iulio scripta , nec ipsa Iulii , sed Timothei , quemadmodum ex multis exemplaribus intelligi potest . Hæc Leontius pro defensione Iulii . Vide Baron. anno 352. num. 4. & aliquot sequentibus .

De duabus epistolis infra subsequentibus , quarum altera est Arianaorum ad Iulium , altera Iulii ad Arianos scripta , lectori utile simul ac gratum fore existimauimus , si quod de iis sentit Baronius , breuiter hic annotemus . Ex hac epistola quadam , inquit , anno 341. num. 59. Arianaorum nomine ad Iulium papam data , sed ut recte intuenti appareat , videtur esse ex his , quæ Socrates atque Sozomenus tradunt , confarcinata : nam quæ qualesve essent eadem Eusebianorum ad Iulium scripta , eiusdem Iulii litera ad eos redditæ , & ab Athanasio recitatæ , aperte significant : multa enim in illis desiderantur , quæ ex Iulii literis produntur ab iisdem scripta esse , compluraque inesse noscuntur aliter quam a Iulio relata sint , diuersisque cum ex nominibus , tum ex rebus prudens quisque indagator inueniet : ut merito eæ ipsæ , quæ ibidem habentur recitatæ , tunc a Iulio papa ad Arianos redditæ , eadem quoque suspicione laborent . Nam quæ vera & legitima sint literæ Iulii ad illos rescriptæ , Athanasius , qui eas verbatim descripsit , recitatque in secunda sua apologia , absque controversia villa declarat . Hæc Baronius præallegato loco .

EPISTOLA I.
INCREPATORIA IVLII PAPÆ I.
AD ORIENTALES EPISCOPOS
pro causis Athanasii , & excessibus contra
Romanam ecclesiam .

1. Quod soli Romano pontifici liceat generale Concilium cogere , & episcopos iudicare .
- II. Non oportet preter sententiam pontificis Romani Concilia celebrare , vel episcopos damnare .
- III. Ut accusatores & accusationes quas leges faculi non admittunt , repellantur .
- IV. Si quis episcopum præter auctoritatem sedis apostolice damnauerit , vel a sede expulerit , de gradu suo deiciatur , & excommunicetur ; & episcopi electi restituantur .